

Фермин партийн багин көдлмшәс

Яшкульск району «Лиман-ный» совхозин эклц партийн организац коммунистрин производствд үлмәг өдлүлхин, партийн-политическ көдлмшиг ясулхин төлә фермсәр партийн багмуд гаргъв. Мананегдгч фермин багд гурвн коммунист негдджәнә.

Мана фермин эдл-аху дала ик, хөд өсклгәнә 9 бригад бәәнә. Партийн баг бүрдсн түрүн өдрәсн авн ах оньган хөбчнр дунд соцдөрлдә делгрүлхд, түрүн нүүрт йовгч улсин дамшлтинь делгү тархахд, политическ цәәлгъврин көдлмш бргнәр кехд тусхав.

Партийн багин үлмән фермин цуг көдлмшт ик туста болсн нидн джилин дигд үзгдв: ферм хөд өсклгәнә, ноос киргъдж авлгъна зурагъан давулдж күцәв.

Мана коммунистнр, фермин хөбчнр 1960 джил күртл хөбдин тоогъинь хойр холван күргдж өскх, ноос авлгъан икдүлх болдж авсн даалгъвран күцәхднх хөд үвләр болн эрт хаврар хургълуллгън ик чинртә болхинь тоолад, эн тускар зовәр үүлдвр күцәв. Энүнә ашднх фермәр хөд үвлзлгън сәәнәр кегдв, хөд хургъ-

луллгънд белдвр болзглань дуусгдв.

Ах хөбчнр Кичикован болн Дорищевин хәләджәх ирг хөбдәс нег чигн гару гарсн уга. Хөбчнр Богаев О, Ванькиев Ч. хургълджәх хөбдәсн 130—135 процент хургъ авчана. Фермин бригадс цугтан ода бүрдәмджтә кевәр хөбдин төлинь авлгъна көдлмшән күцәдж йовна Эдн көдлмшәрн наадксдан улгүр үзүлдж, хөд өсклгәнә төриг күцәлгънд эн джил ик дийлвр күцәхәр зүткәж йовцхана. Фермин көдләчнр хөн болгънас дундиндән 6,5 килограмм ноос киргъдж авх, 100 хөн болгънас 120-д хургъ авад, гару угагъар хадгълх болдж ноолддәж йовцхана.

Соцдөрлдәнд фермин хөбчнр цугтан шунмгъагъар орлцна. Партийн баг сар болгън дөрлдәнә дигинь келж хөбчнрт бкллетенд бичәд соньскна. Түрүн ормл гарсн бригадт Улан дарш өггднә. Даран-даранднх мана фермд, сән дамшлтта хөбчин бригадт наадк хөбчнр одцхадж, көдлмшин дамшлтинь хәләдж даслгън кегднә. Эн көдлмш йир икәр тустань йилгъү медгдв, тегәд энүнд дангъин килджән тәвнәвдн.

Партийн баг олн көдлмшчнр дунд политическ цәәлгъврин көдлмш делгрүллгъәр тодрха үүлдвр күцәнә. Агитатормуд бригад болгънд көдлджәнә. Партийн баг эднд даалгъвр өгәд, цәәлгъврин көдлмшән күцәхднх тасрлтан угагъар дөнъгән күргнә.

СССР-н Деед Советин сунгъгъвр делгрсн соцдөрлдә цаарандан чигн гүдждрж кегддж йовна. Хөбчнр ода малин төл авлгънә үлү ик чинртә көдлмш күцәгддж йовх цагт күчкөлсән хармнлго көдлдж йовцхана.

Партийн баг профорганизацин көдлмшт ик дөнъган күргджәнә. Фермин местком көдлмшән ода темдгтә кевәр ясулвр. Шинәс олн көдлмшчнр профсоюзин членд орулдж авгдв, соцдөрлдә делгрүллгънд шунмгъагар орлцна. Газет, журналмуд хөбчнр дунд тархалгъар көдлмш кегдв. Хөбчнрин бәәдл - джиргълинь ясулхд килмдж урлкасн сәәнәр сәвгднә.

Мана көдлмшт дуту-дунд чигн бәәнә. Фермин коммунистнрин зергләнх өсджәхш. Эн тускар бидн сулар көдлджәнәвдн. Комсомольцирт мана өгчәх, килмдж ик тату. Мана эргнд ода чигн партийн биш улсас бат сән актив гаргъгдәд уга.

Совхозин дамджд өггдд Улан туг нидн джиләс нааран мана фермд бәәнә. Фермин коммунистнр эн тугин цааранднх чигн бәрхиг бийсиннь ах төр гидж тоолджана.

У. ОТОРВАЕВ.

фермин партгруппорг.